



Communicaziun a las medias

Cuntrasts: LA TUR D'ORIGEN

Cuiria, ils 04-09-2017 – **Temporar, gigantic e curaschus. Uschia sa preschenta la tur da teater dad Origen cun ses 30 meters autezza. Radiotelevisiun Svizra Rumantscha (RTR) mussa ils 10 da settember 2017 a las 17:25 en ils “Cuntrasts” il film da Ruedi Bruderer davart l'idea ed il svilup da questa tur da teater sisum il Pass dal Güglia.**

Il film "LA TUR D'ORIGEN" mussa la via tar quest plazzal da construcziun, dal qual tut ils fastizs duain esser puspè sparids gia en quatter onns. Plirs acturs dal pli famus project dad Origen dapi sia fundaziun en il 2005 vegnan a pled en quest rapport cronologic.

“Igl è franc in pau nar, però nar-creativ”, commentescha cusseglier federal **Alain Berset** ils 31 da fanadur 2017 suenter l'inauguraziun da la tur d'Origen al microfon da RTR. Ella n'è dentant betg ina tur per l'eternitad: L'atun 2020 duai la tur gia puspè esser demontada. Cun questa cundiziun aveva Origen survegnì il permess dad insumma realisar quest provisorii sin il Pass dal Güglia. 2,8 milliuns francs per in edifizii a temp limità? Giovanni Netzer, intendant d'Origen, è conscient che questa dumonda occupa pliras persunas. *“Natiralmain ins pudess fabritgar er in teater pli pitschen e pli modest per 200 persunas”* respunda Giovanni Netzer. *“Ma ina tala tur da teater pussibilescha era dad enritgir la fantasia, era tar tut ils passants che van mintg'a da mintg'aura speravi”*, agiunscha il fundatur dad Origen.

Tut quai ed anc dapli è da vesair en il film che vegn emess ils 10 da settember 2017 a las 17:25 sin SRF1. Per l'emprima giada ils 15-09-2017 a las 13:15 pon ins guardar in film da l'emissiun “Cuntrasts” era sin RSI cun sottitels talians.

La tur d'Origen

dumengia, ils 10-09-2017, 17:25 sin SRF 1 (cun sottitels tudestgs) ubain da tut temp sin www.rtr.ch/play.

repetiziuns

venderdi, ils 15-09-2017, 13:15 sin RSI LA2 (cun sottitels talians)

sonda, ils 16-09-2017, 17:10 sin SRF 1 (cun sottitels tudestgs)

mardi, ils 19-09-2017, 13:45 sin RTS 2 (cun sottitels franzos)

Dapli infurmaziuns

Radiotelevisiun Svizra Rumantscha, Via da Masans 2, 7000 Cuiria
Diana Jörg Spescha, tel. 081 255 76 29, diana.joerg@rtr.ch

Foto: RTR